

無師自通 江湖醫術祕傳目錄

上海國醫學社編輯

卷六 痘症科

痘症病原

痘之形色

痘之起脹

痘之養漿

痘之收結

痘毒

痘症應用諸方

大補元煎 六味回陽湯 大溫中飲

荆方地黃湯 補中益氣湯 白虎地黃湯

十二經發痘治法

痘症治法輯要

辨痘法 看耳法 避穢法 平均冷熱法

避免驚動法 推拏法

痘科之變症治法

痘不起漿 痘未出全而昏暈 空倉痘

白漿痘 兩頭痘 茱萸痘 赤斑核

痘疔 痘症黑陷不起 蛇皮痘 血泡痘

漏痘 蛙痘 蛆痘 瑠璃痘 曉星報點

黑痘 皮膚現青紫紋 免痘入眼

眼中生痘 舌上有痘 痘症潰爛流膿

痘症泄瀉 痘症二便不通

痘症五官出膿

痘毒入目生翳

江湖醫術祕傳 卷六 目錄

無師自通 江湖醫術祕傳

上海國醫學社編輯

卷六 痘症科

△痘症病原

痘症治法驗方新編中論之甚詳。順者可不治而愈。逆者不能治。可治者惟險症耳。治之得法則生。不得法則不生。蓋痘為胎中之陰毒。須賴陽氣以成之。用藥最忌寒涼。庸醫往往用寒涼以解毒。反使氣破血滯。毒氣乘虛深入。痘遂陷塌而難治。故治痘有四宜四忌。四宜者：(一)宜補氣。真陽不足。毒不能外達。以成痘。皆元氣不足之故。宜服黨參、黃芪、白朮、甘草以補之。(二)宜補血。真陰充盛。方能隨氣到苗。以成漿。如遇空壳無膿。皆為陰血不足之故。宜於補血藥中。加熟地、當歸、丹參、川芎之類。(三)宜補脾胃。脾土虛弱。則氣血虧而食少無味。故須補脾胃。於前氣血藥中。加枸杞、故紙、附子、肉之多類。(四)宜察虛實。小兒

飲食如常。出痘灌漿不滿。燒漿不乾。必察氣兩分。何部有虧損。照症調補之。不可妄用涼藥。至於四忌：(一)忌清熱退毒。凡胎中陰毒。必賴陽氣托出。陽氣被清。則痘症內陷塌。故連翹、生地、黃芩、澤瀉等藥。非有實火者。萬不可用。(二)忌剋伐氣血。凡氣血充暢。則痘易成功。剋削則中氣虧。毒遂深入而塌陷。是大黃、硝石、甲山查等藥。在所必禁。(三)忌忘投醫藥。(四)忌吞服醫家小丸。痘醫所帶小丸。不外巴豆丸。以為痘係胎毒。宜下行。豈知中虛下陷。性命休矣。痘者胎中之陰毒也。必賴陽氣以成之。小兒出痘。大約發熱三日。肌肉鬆透。然後能見點。苗齊熱退。乃真陽內伏。交會於陰。復發熱三日。是運水到苗。以成清陽。漿足熱退。及至養漿。真陽外出。發熱三日。化毒以

成膿。膿成熱退而陽伏。毒既化膿。又必發熱。蒸乾方能結痂。痂落後真陽外出。蒸化斑點。謂之燒斑。倘有黑斑。乃是火衰。治法始終以補氣血扶陽氣爲第一。義用藥以溫補少加發散。否則氣不足則痘頂不起。火不足則漿不稠。且恐厥逆腹痛。陰寒起而壞斑作矣。治症宜於溫補中稍加發散藥。則血脈流通。痘漿易出。無壅滯之患矣。

▲痘之形色

痘當以飽滿爲形。紅活爲色。若頂陷不起是氣虛。色不鮮明是血虛。宜培補氣血爲主。真陽虛者乃無紅暈。甚至皆白。身涼不溫。宜大補元煎（見後）自能轉白爲紅。遍身成血泡者乃氣少不能統血。故血妄行。急進大補元煎則陽氣充滿矣。凡飲食有味。二便如常。形色必佳。痘之形色不佳。多半是氣體虛寒。手足厥冷。頭重神疲。便清泄瀉。宜服大補元煎。兼用附桂。若泄瀉不止。當添龍骨。栗壳等藥以收瀉之。○痘以紅色爲貴。其間有圈紅。嚙紅。鋪紅之別。凡一線紅圈

緊附痘根。最爲佳兆。嚙紅者痘根血色隱隱散漫。亦氣不入之故。速宜大補氣血。鋪紅者一片平鋪。無痘處亦紅。地界不分。若內熱有據。口臭而渴。小便短燥。大便乾結。宜用白虎地黃湯（處方見後）以利之。有一種錫光痘。身涼不溫。色白不紅。此謂陽虛陰象。宜大補氣血。附桂同施。痘根結而漿稠。痂結此乃氣足陽回之象。又有一種根無紅盤。頂含黑水之痘。此乃陽氣大虛。陰氣凝結所致。亦宜大補元煎。兼用附桂。則黑水化而爲膿矣。至於痘成水泡。膿泡。灰泡。血泡。紫泡。更有白陷。灰陷。血陷。紫陷等症。候推厥原因。水泡者清漿皆水不成膿。火少故也。當用蒼桂附子等藥。大劑陡進。水泡得火蒸發而成膿矣。若誤投涼藥。作瀉便轉爲白陷。膿泡失治則破流膿水。灰泡失治則轉爲灰陷。此二症亦宜參朮附桂大劑多進。如有小顆粒發出。便有轉機。血泡係氣虛若不大補元陽。必變爲血陷。紫泡有二紫中帶青者。是氣分不足。陰血凝結而成。舌苔白。小便亦變清白色。速宜大補

元陽。又有一種紫黑焦枯者。乃純陽無陰之症。口乾惡寒。小便短而大便結。此係實火。宜用白虎地黃湯。酌加大黃以行之。可望灌漿而轉機。失治則轉爲黑陷。

### △痘之起脹

痘不起脹。不能養漿結痂。何謂起脹。乃痘至開盤。頭面腮頰發腫是也。要至膿成漿足。痘回脹消。謂之收脹。蓋痘毒由內達外。在肌膚之間。故腮頰亦隨之而腫。迨至膿成漿足。毒氣盡化爲膿。而脹自消。此惟脾胃兩健之小兒能如此。倘元氣內虛。不能送毒外出。當起脹而不起脹。急宜大補氣血。而兼發散。用大補元煎。大溫中飲。相間服之。自能開盤起脹。若痘未開盤。頭面先發大腫。此名虛腫。是元氣大虛。餘毒留於肌肉間。不能盡化爲膿。亦宜兼服大補元煎。與大溫中飲。痘書云。痘出稠密。封眼者有救。不封眼者無救。換言之。即起脹者有救。不起脹者無救。確爲經驗之談。封眼者。眼弦多痘。常用胭脂水塗之。可以不封眼。

不起脹者。乃係元氣大虛。不能送毒外出。必須大補元煎。附子肉桂大劑。多進方得脹起而毒化。

### △痘之養漿

養漿與痘症最關緊要。和種牛痘灌漿。如出一轍。漿成則毒化。漿不成則毒不聚化。斯痘壞矣。蓋發熱見點。齊苗灌漿。無非爲養漿而設。如顆粒稀疏。根盤光潤。精神飽滿。二便如帶。乃是上等痘。無庸藥治。倘形色平常。全憑用藥助其氣血。以養漿。倘真陽不足。無熱足以蒸化其漿。宜用藥大補元氣。最忌泄瀉。瀉則中虛。而陽氣虧。毒必內陷。在養漿時期。必須留意提防。必須補其陽氣。助其脾胃。則漿乾痂結而成功。養漿用藥。以大補元煎。補中益氣湯之類。相兼煎服。所當注意者。世之麻面。皆因養漿期內。庸醫誤用消伐藥。中氣下虧。落痂後。面部便留深陷而成麻。若進大劑溫補。氣血充盈。落痂後。決無面麻之患。又有小兒痘後滿頭潰爛。此之謂虛陽貫頂。又名髮疽。此係得痘時。誤服涼藥。以致陽毒上沖頭頂。經久不愈。宜用

大補元煎大溫中飲相間服之引火歸元潰爛自得日漸告痊

△痘之收結

收者漿回而脹收結者膿乾而痂結此為痘症成功之好現象倘漿回而腫不消膿成而痂不結是係真陽不足無熱不能乾漿化毒膿漿雖足無陽氣不能熏蒸結痂氣體虛弱者亦不能結痂又有一種漿久不乾而生蛆此名蛆痘以上諸症皆由陽氣不足之故宜用大補元煎大溫中飲相間服之則膿乾蛆化而痂結矣

△痘毒

痘毒乃痘後所發之大疽皮色不變由於出痘時誤服涼藥所致蓋痘為胎中陰毒得陽氣則行得涼藥則滯氣毒留駐肌肉間發為大蛆皮色不變者服大溫中飲數劑全愈其色紅白相間者宜服荆防地黃湯與大溫中飲相間服之計月可愈倘不分陰陽統以火毒治之誤進以生地銀花等藥以致潰爛不愈

清膿淋漓旋脾至胃敗而泄洩不食不斃者鮮有色紅而帶紫者為陽症可用荆防地黃愈之

△痘症應用諸方

○大補元煎 大補氣血專治痘症誤用涼藥嘔吐泄瀉痘不起發危在旦夕速宜大劑連進不可減去附子與六味回陽飲相間服之立見奇功倘二三劑後泄瀉不止酌加附子再加龍骨栗壳各一錢泄瀉全止當減去附子方用熟地五錢黨參三錢山藥杜仲棗仁枸杞各二錢萸肉一錢灸草故紙各二錢白朮三錢肉桂二錢附子一錢加生薑三大片好核桃仁三個打碎為引痘後減去附子只用肉桂數分調理數劑即可復元

○六味回陽湯 大補元陽專治小兒氣血本虛痘瘡自塌或誤服涼藥嘔吐泄瀉將成慢驚危在頃刻間者速服此方倘有轉機即加大補元煎之內同煎迭進此名返魂丹方用附子炮薑各一錢當歸黨參各三錢肉桂二錢灸草一錢加胡椒細末三分用

灶心土水澄清煎藥。減去附子。亦名六味回陽飲。

○大溫中飲。補氣血散寒邪。提痘漿散痘毒。凡痘頂不起。空殼無膿。嘔吐泄瀉。脾胃不開。痘色不紅。勢將塌陷。宜速煎服。並與大補元煎相間。大劑連進。功能溫中散寒。立時起發。方用熟地五錢。白朮三錢。山藥二錢。黨參三錢。黃芪二錢。炙草二錢。柴胡二錢。麻黃肉桂炮薑各一錢。加生薑三片。灶心土水煎濃。用夏布擗出藥汁。少加黃酒。多次灌之。惟汗多者麻黃宜減少。

○荆防地黃湯。補氣散毒。血虛者初出痘時服。三四劑。痘易灌漿。與前後諸方相間服。無所不可。方用荆芥一錢。熟地四錢。山藥二錢。丹皮防風雲苓山萸生草各一錢。加生薑兩大片為應。水煎黃酒沖服。

○補中益氣湯。補氣散毒。氣虛者初出痘時服。三四劑。痘易起發。痘頂陷者亦宜服之。方用黨參三錢。黃芪二錢。白朮錢半。炙草一錢。當歸二錢。陳皮五分。升麻三分。柴胡三分。生薑一片。水煎服。可與荆防地

黃湯間服。

○白虎地黃湯。去實火解邪熱。專治小兒出痘發熱不退。口渴喜冷。痘瘡黑陷。小便赤燥。大便閉結。口鼻氣熱等症。酌加大黃。以行為度。若二便清白。不喜冷飲。身雖大熱。乃是虛心。仍宜溫補。所謂甘溫退大熱。不可妄投此藥。方用石膏三錢。生地二錢。當歸三錢。枳殼一錢。大黃錢半。木通二錢。生草澤瀉各一錢。加燈芯為引。水煎服。熱退身涼。卽以荆防地黃湯調理之。

### △十二經發痘治法

○心經發痘。忽然抽掣。此症與急驚相同。用桃樹皮。葱子。燈芯等分。共搗爛。敷顙門。肚臍。手心。足心。限一炷香為度。則驚自醒而痘亦出矣。又於手足合骨處。用燈火各燒一下。以散風痰。

○腎經發痘。初熱腰痛。身如打傷。背連尾脊骨發痛。用雄雞一隻。剖開雞腹。取出肝腸。卽噴好燒酒一杯。於雞腹內。安放腰間痛處。用帶縛緊。一炷香為度。其

雞即變青色。臭不可聞。連用二三隻。則痛止痘出。醫兒體素弱。或因吐瀉之後。元氣愈虧。不能勝毒。汗出如珠。四肢厥冷。似睡非睡。眼中露白。此痘與慢驚相似。急用大附子。乾薑。丁香。各四錢。除淡豆豉。三錢。小雄雞一隻。共同搗爛。再用燒酒略炒。溫敷臍上。及兩足心。急換二三次。其痘自出。若兼泄瀉。加灶心土三錢。

○女子天癸已通。當出痘之際。經水忽行。一則懼其穢氣相冲。二則慮其血衰不能化毒。此爲險症。急取桃樹上寄生。搗爛。敷兩足心。三炷香爲度。經水回而痘亦萬全。或用月季花連枝葉煎酒服。煎湯洗浴亦效。

○孕婦出痘。激動其胎不得下。或胎死腹中不能出。危症也。宜取路上推車虫（即蜣螂）及所推泥丸。一併焙乾。研爲細末。加葦靈仙同研。酒調爲丸。納臍中。將膏藥貼上。無藥膏藥。三炷香久。其胎卽下。○孕婦出痘。腹中作痛。乃胎動也。若不頂住。一經臨

產則氣血兩敗。痘必不全。急宜內服安胎飲。方用蓮肉（去心不去皮）家用青芋。蘇（洗淨膠）白糯米。各三錢。水煎去蘇。每早連湯服一次。單服湯亦可。外用蓮蓬殼益母草。各三錢。燒灰存性。艾葉三錢。共爲末。醋調敷臍中。連換三次。其胎自安。

○少年出痘。吐血並流鼻血。此爲虛火上炎。血不歸經。宜取白菓搗水服。復將柏樹上寄生。二兩。山梔去根。二兩。共搗爛。敷臍中。連換三次。其血自止。又痘當起脹之時。忽然便血。痘不得起。最爲危險。當用地榆。生大黃。紅花根。共爲末。燒酒調勻。敷尾脊骨。三炷香久爲度。連換三次。其血自止。如痘內夾有斑痘。或丹症。用土硃紫草爲末。敷之卽退。

○大人肺經出痘。滑精夢遺。咳嗽失音。不省人事。用新生鷄蛋一枚。略開小孔。瀝去黃白。將元參一兩。取汁灌於蛋壳中。用紙封固。再將熟黑豆搗爛。包裏蛋壳。置火中煨。一炷香爲度。取出冷透。火氣飲汁自愈。○小腸經出痘。遍身發斑。片片紅紫。如雲如霞。無痘

出見。不省人事。急將雪梨與食。又將芙蓉花、川椒、胡椒共爲末。紙捲爲條。蘸麻油。用燈蕊盛之。照於被內。覆蓋一時。其斑自退。而痘自出。

○胃經出痘。咽喉閉塞。失聲不食。上吐蛔虫。下瀉惡血。急將菘豆爲末。以鷄蛋白調之。喉閉則敷於頸。吐蛔虫則敷於臍上。瀉血則敷臍下。

○癘疾時腹。部出痘。口吐白涎。咳嗽失聲。用生薑切片。包大附子。煨。再取薑汁和當歸。生地。白芍。共搗爛。敷臍中。二炷香久。爲度。白涎自止。

○痘見脾經。雖屬吉兆。祇恐防禁不周。穢污相冲。痘不起發。狂言亂語。遍身癢塌。抓破出血。聲啞氣急。速用石膏。寒水石。麝香。鬱金。甘草。等分水煎。去甘草渣。再裹乾爲末。用蜜調敷胸前。謔語止。而痘亦起發矣。

○痘出太陽。舌心黑。口氣臭。大小便不利。痘色紅紫。用青黛。防風。全蝎。石膏。熟大黃。合勻爲末。作餅敷臍中。痘色自活。又痘出太陰。夾斑夾疹。胡言亂語。或失聲不語。用雪梨水磨真象牙。與服。則斑疹退。而痘

出。

○痘出腎經。腰腹絞痛。吐瀉交作。手足冰冷。大汁如雨。此陰盛陽衰。症候最險。急用乳香。沒藥。人參。各一錢。爲末。搽九納臍中。又將艾葉炒葉。敷九上。其症自平。

○痘有夾斑而出者。有紅點隨出。隨收者。又有夾丹而出。紅赤成片者。俱用玄參。升麻。各二分。甘草八分。防風。荆芥。牛蒡子。各六分。水煎服。如夾麻疹而出者。照上方加桔梗。黃芩（酒炒）各六分。水煎服。

○痘出胸腰疼痛。叫喚不安。豆豉三兩。胡椒一錢。共搗爛。又將生薑四兩。搗汁調勻。炒溫。敷患處。疼痛自止。

○痘出腎經。尾脊骨疼痛。日夜不安。用芙蓉根。馬鞭草。共搗爛。炒溫。敷尾脊骨上。其痛自止。

○痘出不快。喉渴悶亂。咳嗽失聲。睡眠不安。艾葉一碗。胡椒二十粒。搗爛。調水取汁。熬膏。作餅敷臍中。自愈。

○痘如麻子。一片成氈。時發奇癢。此爲風毒。非真痘。

也。因風寒閉塞。以致真痘不出。菱孽子。煮水洗浴。再用貓爪荔枝燒烟薰之。則真痘出而癢止矣。

▲痘症治法輯要

【辨痘法】小兒發熱欲驗其是否出痘。當按其五指梢及中指冷者是痘。疹中指熱者是風寒。

【看耳法】欲驗出痘重輕。須看耳後現紅筋者痘必輕。現紫筋者痘必重。兼青帶黑者難治。

【避穢法】出痘最忌污穢。如犯房事。經水。生產。穢氣。以大棗燒烟解之。若防發癢。以樺皮和大棗燒烟解之。觸犯酒氣。以葛根茵陳蓄燒烟解之。犯五辛氣。以生薑燒烟解之。被屍氣及癘氣所犯者。以黃蒼朮燒烟解之。被狐臭及犬羊氣所犯者。燒楓樹葉解之。若遇風雨。燒蒼朮楓樹葉解之。若血少而不上漿者。忌燒蒼朮。嫌其大燥也。若遇諸惡氣。以乳香燒烟薰之。並以胡荽酒噴之。

【平均冷熱法】冬月出痘。如遇天氣嚴寒。房中宜置炭火以取煖。使血氣和暢。惟窗戶不宜緊閉。煤炭

煤球更不可用。以防觸受煤氣。夏季出痘。如遇酷熱天氣。房中宜多置冷水或冰塊。以收熱氣。則心自清涼。

【避免驚動法】出痘小兒常得安睡為最宜。在睡眠時一經驚動。即能變成痘後驚風。並且停漿不發。【推拿法】初發熱為風寒所閉。不宜即用表散藥。當閉推拿法以鬆肌表。其毒自出。又兒體素弱。為風寒所束。用藥發表。恐傷元氣。亦當用推拿法。蓋發散藥多能耗氣。推拿不過鬆肌發竅。運動筋骸。氣血通暢。則邪自出。由是以觀。推拿實勝於用藥也。並且立刻見效。推拿法。取溫水一碗。推者以手指蘸水。於小兒兩鼻孔洗擦而上。推者二十四下。謂之洗井灶。再於印堂用兩手指分開擦二十四下。謂之開天門。又於小兒兩手食指擦下三十六下。以瀉三關之火。又於中指擦下三十六下。以瀉心經及肝邪。又將小指幾擺。謂之烏龍擺尾。再於脈門擦下三十六下。複擦上十二下。又於掌上順連

八卦週旋擦一百二十下。然後於虎口及手足。凡接骨處。其穴有窩。於各穴窩中用力各搥一下。臍下丹田。背上兩飯匙骨下。背脊每骨脊間等處。各搥一下。任小兒啼哭發汗。汗出則肌鬆。痘毒亦從而發出。推後令兒安睡。不可見風。

△痘科之變症治法

○痘不起漿。出痘不起漿。或漿起復收。用頂好熟燒酒。以補帕蘸透。時時熨之。輕者立見效果。又方取癩蝦蟆一隻。以手捉住。將蝦蟆頭對正小兒口。先用納帕遮住小兒兩目。以免蝦蟆吐漿入內。離開二三寸。約經一頓飯時。放去。另換一隻。如前法施行。連換三隻。其毒被蝦蟆吸盡。即能灌漿成功。

○痘未出全而昏暈。手足冰冷。面青唇白。氣息俱冷。此為厥陰症。用雄雞一隻。生剖開。去腸雜。以燒酒噴雞肚內。敷臍上。以帶束住。約一炷香久。取出。連換數雞。其痘已齊。其人自愈。

○空倉痘。痘雖肥滿。內是乾枯。血水全無。此名空

倉。其痘堅硬非常者。名鐵壳空倉。乃是絕症。由血虧而失於解毒。致毒火內熾。血涸漿枯。而成空倉。當用川芎、炙芪、白芷、牛蒡、肉桂各八分。歸身、鹿茸各二錢。大生地三錢。白朮一錢。穿山甲四分。連進二劑。而漿脚來。乃去牛蒡。再服而漿足矣。

○白漿痘。痘初起時。即有白漿。以後必成灰白。塌瘻而生。劇變。此為毒參陽分。陰血不能運化。不久即陷伏。外伏法。於初起時。見有數點白漿。即用銀簪頭刺去。隨刺隨長。宜時常留意。即有刺去。內服千金肉托散。以補氣血。方用人參、當歸、炙芪各錢半。白芍、肉桂各六分。川芎、炙草各四分。白芷七分。山查八分。木香、防風、厚朴各三分。水煎服。二三劑。可保無虞。倘遍身都成白漿痘。則難治矣。或服大補元煎（見前）亦妙。

○兩頭痘。痘出祇見胸以上。臍以下。中間一截全無者。名兩頭痘。此由氣血不能貫通上下。而腰臍間。且為寒毒所凝滯。若不急治。一星期後。必變灰白症。

治法於見點時急用生芪當歸赤芍桔梗防風厚朴斷續白芷山查木通各等分入黃豆三十粒水煎服若得中間有痘即可無虞。

○菜莢痘 因痘之形色若菜莢故名亦屬險症其痘起脹不足居中陷而四絃起痘頂有亂紋者此係毒氣盛而中氣虛痘頂不起尖圓其後必致空漿倒陷而死是為毒凝氣不升毒入臟腑則難救宜早治用藥以解毒行氣為主方用生芪牛蒡連翹各一錢赤芍八分升麻白芷各六分黃芪五分黃連二分甘草二分川芎一分蟬退二個連服數劑外用楊柳煎水洗之其痘漸見圓淨菜莢紋及黑眼俱消

○赤斑核 小兒出痘之際活肉筋骨間雜發形如癩癧之赤斑核而周身之痘皆不發起盡歸於有赤斑核一處危症也外治法用手指撮起赤斑核以紅繩緊緊紮住用獨囊大蒜瓣於患處艾火灸七次須將赤斑核灸至不知痛癢除去艾蒜痘自啓發而通身紅活矣是症類於痘疔照痘疔方治之亦可

○痘疔 痘脚無紅暈痘中則黑紫乾硬暴脹作痛或不痛此之謂痘疔能閉諸毒故未齊有疔痘即不能發現既齊有疔痘即不能起脹行漿時有疔痘必倒陷故初出時見有紫黑獨大之點即以銀針刺破吸盡黑血然後以拔疔散敷之免其成疔次日復看若再硬脹仍即刺破敷以前藥色轉紅活方已若針挑不動手捻有核則成疔矣用針四邊剝開以小鉗鉗出其形如疔即行拔去仍所前藥痘滿瘡口可無患倘四肢有痘慘暗堅硬或外無痘而內有核亦是疔疔於初起時用艾火灸之或用燈火烙之可消倘遷延不治其痘深陷甚至穿筋透體而爛見骨甚可畏也 診斷疔法凡天庭有黑點心窩舌上必有疔地角有黑點陰囊上必有疔兩額有黑點兩腋必有疔痘頭有黑點四肢必有疔此為顯顯知隱之秘法總之出痘時如見有形如黑豆之顆粒便是疔速用銀針刺破隨手鉗出疔疔以拔疔散敷之其熱遂退痘亦潤澤起脹而愈拔疔散明雄二錢胭脂米五

（胭脂膏亦可代用）共研細末。凡痘疔賊痘。用銀針刺出黑血敷之。又方。用針將痘疔挑破。擠出紫血。先用蒲公英熬膏。放水中。一日一夜。冷透。火氣敷之。即愈。舌上生痘疔。用銅絲雄黃硃砂銀硃人中白等末。研和擦舌上。有效。

○痘症黑陷不起。凡痘黑陷不起。心煩氣喘。妄語。鼻鬼。急以不落水。猪心血。和冰片研勻。丸如芡實大。每服一九。以紫草煎酒下。閱半小時。下瘀血。神清。痘即紅活。透出。此方百發百中。神應異常。

○元氣素弱。兼發虛症熱症。以致毒氣猛烈。痘出不快。當用雄鷄生剖開敷臍上。有效。

○蛇皮痘。痘出滿身。滿頭面狀。若蛇皮。故以是名。勢必乾枯不能作漿。閱十餘日而死。有一女出痘如此。發熱時。寒戰。喉牙口中發臭。先用解毒湯。日進三四服。痘出密如蠶種。乃用前胡。川芎。丹皮。梔子。炒黑。紫草。茸。大。中。黃。連。翹。牛。蒡。黃。芩。紅。花。等。分。水。煎。連。服。數劑。始分顆粒。其後加生芪。白芷。去人中黃。紫草。黃。

芩。紅花。等藥。其水漸升。乃用參歸鹿茸湯。加丁桂。白芷。白芍。次加白朮。其漿自足。其漿起。絕似蛇皮。落痂時。大片連皮而脫。渾身猶如蛇退壳。指中毛髮。悉皆脫換。此係惡烈症候。醫治迅速。藥必猛烈。亦可救也。

○血泡痘。出痘滿泡通紅。內含都是血。故名血泡。此因血熱毒熾。不能運化。以治成漿。以涼血清毒。為主。用生地。赤芍。紅花。紫草。丹皮。牛蒡。黃芩。白芷。等分。煎服。惟虛弱者。有當查前看形色。法斟酌用之。

○漏痘。痘未成漿。頂上有孔。漏出汁水。堆聚而結。形若癩頭。俗呼漏瘡。此因表虛不能養漿。故爾自潰。急宜補氣健脾。因其肌肉。方可救藥。若遍身俱潰。則必死。須用人參。炙芪。當歸。官桂。川芎。白芷。白朮。炙草。丁香。淮山藥。龍眼。蓮子。等分。煎服。數劑。有效。

○蛙痘。痘有小孔。如針眼大。又似蛙眼。故曰蛙痘。此由於腠理不密。致有是症。治宜從速。遲則必成灰陷而死。方用人參。炙芪。當歸。炙草。肉桂。丁香。各等分。加荔枝為引。煎服數劑。必待孔秘。痘始起脹。行漿。

○蛆痘 痘中生蛆。不可忍。用針挑去。蛆虫自愈。或用嫩楊柳葉鋪床上。睡臥。其蛆自出。遍噴醋水亦效。

○瑠璃痘 痘無血色而光亮。明若瑠璃。輕擦即破。或流清。水。或留膿。氣。此係血氣不能運化毒氣。而然。終必失音而死。凡痘若起脹。而見此症。急用針頭擇尤者。刺去其水。內服寶漿散。方用人參、黃芪、當歸、鹿茸、白朮、淮山藥、山查、扁豆、白芷、炙草等分。加黃豆四十九粒煎服。或服大補元煎諸方更妙。

○曉星扳點 痘未見點。獨於印堂先現一粒。名曰曉星扳點。此痘能閉諸毒。急宜以燈火燒之。惟小兒見用燈火灼肌膚。必然驚慌。驟閃。須於有眼銅錫印於痘上。使痘從錢眼中暴出。然後燒之。有效。

○黑痘 毒盛血熱。痘變黑色。是為至危之症。古方都主涼血解毒。附錄於下。惟痘症忌涼藥。宜斟酌行之一切。見黑點在皮膚間者。用硃砂、冰片、牛黃。或用紫草茸二三錢。好黃酒調黑。又黑痕并黑醫者。用蟬

退五個。紫草茸一錢煎服。又黑如煤炭。血不紅活者。用紫草、紅花、生地、生芎、赤芍等分煎服。又黑而軟者。氣弱血熱也。用保元湯加紅花、紫草、生地（保元湯處方：人參、黃芪、當歸、川芎、紫草、紅花、肉桂、防風）。

○皮膚現青紫紋 出痘時皮膚發青紫紋者。川紫草一錢、紅花、荆芥、防風、牛蒡、生芪各八分、木香、甘草各三分、升麻五分。

○焦黑潮熱煩躁者。用小無比散三錢。加紫草、生地、紅花等分水煎。磨犀角調服（小無比散處方：滑石三兩、石膏一兩、煨寒水石、煨鬱金、甘草水煎透焙乾）甘草各五錢。共研細末。

○免痘入眼 初出痘時。用牛蒡子搗爛敷額門。痘不入眼。又出痘時。眼有膿血。用兔子糞清油調敷。

○眼中生痘 用新象牙磨水點眼。其痘自退。或用頂上胭脂取汁點之。亦效。或用益母草熬水點之。又出痘眼痛。用翳子草搗爛。左眼痛塞右鼻。右眼痛塞左鼻。又出痘眼目紅腫。用細茶葉煮淨。銀花口嚼。

敷之。或用有膏黃紙塗鷄蛋白貼之自退。忌食鷄及發物。又金銀花胭脂搗汁。和以人乳。以燈芯點之。

○舌上有痘。人中白焙研砂。兒茶共爲研末。搽舌上。又舌上爛痘。黃柏黃連元參共研細末。蜜糖調擦。舌上。或用人中白焙枯。存性研末。擦之亦效。或用硼砂（水飛）同冰片研和點之亦效。

○痘症潰爛流膿。用多年蓋屋茅草。洗淨焙乾爲末。搽之神效。或用松花粉搽之亦效。

○痘症泄瀉。本症病原有二。一泄而穢黃臭穢。小便帶赤澀者。此因毒氣奔越。熱症也。痘必現紅紫色。當用加味四苓散治之。方用豬苓木通各八分。澤瀉赤茯苓各七分。川連炒黃芩炒牛蒡棟淨炒香研碎。車前子各五分。燈芯一團。水煎空心服。此方主治熱泄如神。虛泄萬不可誤服。二泄而糞色青白滑利者。虛寒也。痘色必然淡白。當用參朮散主之。方用白朮土炒一兩。高麗參年輕者用軟黨參代。真白茯苓砂仁炙甘草薏仁炒白蓮肉去心炒真神麴查肉。

各五錢。肉豆蔻（龜裏煨熟去麩細紙包打去油）訶子（火內煨去核）廣陳皮（去筋）各四錢。南木香三錢。共爲細末。每服二錢。米湯調空心服。小兒不耐苦。或灌或調稀粥服亦可。

○痘症二便不通。大便閉結。用葱一把。搗作餅。敷臍上。用錫壺盛沸水。煨葱上。即通。小便不通。用樟樹皮。黃葱老艾共搗爛炒熱。敷小肚上。女人敷陰門上。神效。

○痘症五官出膿。出痘行漿之際。有眼耳出膿。鼻竅流膿。口吐臭膿者。皆其中有痘不能痂。以致潰而出膿。不必施治。一俟內痘成漿。則毒已化而自可無虞。

○痘毒入目。致生翳膜蟹目。用蛇蛻全者一條。馬勃一兩。皂角子十四粒。虫蛀者揀淨。共入瓦礮中。用泥封固。泥內加鹽少許。以免出氣。連礮燒紅。存性。候冷透火氣。取出研末。每服三錢。開水送下。神效。以外更有痘後各症治法。一驗方新編中論之。詳。

江湖醫術秘傳 卷六 痘症科

本編中不再詳論。